

ТОЛДОН

2002
ИЮНИЙН
29
Монгол гарын
20
№26
(598)

• Бүгэдэ буряадай долоон хоног бүрийн сонин •

«Алтаргана» нааданда зорюулагдаһан тусхай дугаар

Агын Буряадай автономито тойрог • 1989 оной ноябриин 1-һээ гарана • Наймаагай сэн хэлсээтэ

БАЯН САГААН АГА НЮТАГТАМНАЙ МОРИЛОН БУУГЫТ, ХҮНДЭТЭ АЙЛШАД!



Ж.ЛУБСАНДАШИЕВАЙ дүрэ - зураг.

АЛТАРГАНА

(Буряад арадай дуун)

Ара газарта ургадаг	Үбэр газарта ургадаг
Аса бүхэтэй алтаргана.	Эшэ бүхэтэй алтаргана.
Альган дээрээ тэнжээһэн	Эльгэн дээрээ тэнжээһэн
Аба эжы хоерни.	Эжы аба хоерни.

АМАРШААТА

Эрхим хүндэтэ нютагаархин, хүндэтэ айлшад!
Агын Буряадай автономито округой захиргаанай болоод Агын Буряад округой Дүүмын зүгһөө Та бүгэдэниие анханай хүндэмүүшэ Ага найман эсэгийнгээ газар нюотаг дээрэ амар мэндээ мэдүүлэн золгоноб.

Үе сагай, түүхын байдалай эрхээр гүрэн, нюотагуудаар таран ажаһууха заяатай буряад араднай хэдэн арбаад жэлнүүдэй хугасаада сэдхэл бодолоороо нягта дүтөөр харилсаха аргагүй байгаа. Угсаатанаймнай хубида тудалдаһан эдэ бэлэгүй сагуудта олон шухаг зүйлнүүднэй тэхэришэгүйгөөр төөригдөө, эгээл шаналмаар талань гэхэд, арадаймнай соелой, еһо заншалай, зан заршамай үнэ сэнтэй баялигууд алдагдаа. Хэнэйш мэдэһээр, манай гүрэнэй, үнэндөө гансаш манай гүрэнэй бэшэ, хэсүү шэрүүн жэлнүүдтэ арадайнгаа хуби заяанда, ерээдүйдэ ухаан бодолоо, талаан бэлигээ зорюулһан улас түрын, нийтын, шажанай ажаябуулагшад хашалта хайралтада, хамалган хюдалганда ороһон байна.

Айхабтар хүндэ хүшэр байдалые дабажа гараһан буряад араднай эхи үндэһээ, түүхэ намтараа гамнан, сахин ябажа, бүрин хэбээрнь үлөөхын тула оролдоо. Нийгэмдэ боложо байһан хубилалтануудай ажабайдалдамнай шэлжэжэ байгаа арадшалалгын ашаар бидэ мүнөөдэр сугларжа, хэн юун, хаанаһаа эхи үндэһэтэй байһанаа бодомжолхо аргатай болободди. «Алтаргана» фестиваль мэтэ бүгэдэ арадай үргэн дэлсэтэй хэмжээ ябуулганууд иимэ асуудалнуудта харюусаха арга олгоно бшуу. Ажабайдал байра дээрээ байнагүй, тэрээн зуура хубилна, мүн тэрээнтэй зэргэ бидэшье хубилнабди. Буряад арад бүхэдэлхэйн соел хүгжэлтэдэ улам гүнзэгыгөөр орожо байнхай. Тэрэнэй гүнһөө улас түрын болоод нийтын ажаябуулагшад, эрдэмтэд, соел, искусствын мэдээжэ түлөөлэгшэд, элитэ тамиршад тодорон гарана. Бэшэ арадуудтай эбтэй эетэйгээр ажаһуудаг үндэһэтэнэймнай ажабайдалда шэнэ удха шэнжэ ороно.

Буряад арад уг удамдаа, түүхынгөө эхи үндэһэ хүндэлэн хандадаг заншалтай юм. Тиймэһээ бидэ һайн һайхан «Алтаргана» фестивальда суглараад байнабди. Эдэ үдэрнүүд хэн хэнэймнай зүрхэ сэдхэлдэ хани харилсаанай, аха дүүгэй һайн һайхан дурасхаал үлөөжэ болтогой. Ажабайдалай утын замда амгалан тайбан, ажана тэнюун ажамидарая.

Тамиршадта, наадашадта амжалтануудые хүсэнэб. Ага нюотагаймнай газар дайда энээндэтнай түшэг болуужан.

Эхилхэээ байгаа «Алтаргана-2002» фестивалиин богоһо дээрэ Та олониие халуунаар амаршалнаб!

Б.ЖАМСУЕВ,
Агын Буряадай автономито округой захиргаанай толгойлогшо,
Россин Гүрэнэй Сөвөдэй гэшүүн.